



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Capitvlo Avxitano.

urn:nbn:de:hbz:466:1-20006

666 Epistolarum Innocentij III.

curare ut Diubuldum impedian & impugnent ne terram tuam possit offendere vel intrare , tūque per treguas & alias conventiones placabiles componere studeas cum adjacentibus , & vicinis ; nec timeas pro terra quam personaliter deseres , quia si oporteret te damnum incurrire ex hac parte , tanto majus erit commodum quod consequeris ex illa ut damnum æquanimiter sit commodo postponendum &c. Datum Velletri **viii**. Kal. Octobris.

A R C H I E P I S C O P O
Montis regalis & Parisi Episcopo in Archiepiscopum Panormitanum electo , Regis Sicilæ familiaribus.

Epiſt. 89.
De morte
Marqualdi.

Benedictus Deus & pater Domini nostri Iesu Christi , pater misericordiarum , & Deus totius consolationis , qui post nubilum fecit serenum , & post lacrymationem & fletum gaudium & exultationem induxit , qui non dereliquit virginem peccatoris super sortem justorum , sed causam vestram discrevit à gente non sancta , & eripuit vos ab homine iniquo pariter & doloso , qui non posuit Deum adjutorem sibi , sed in sua prævaluit vanitate , ut omnipotens Deus vos aliosque fideles tamquam aurum in fornace probaret : quatenus probatio vestri multò pretiosior esset auro , quod per ignem probatur , similis grano synapis , quod quantò plus tunditur , tantò fortius inardescit. Vnde flagellato tandem miserabiliter pestilentiae viro , qui justo judicio dies suos finivit in malum , nunc fidei vestrae sinceritas invenitur in laudem & gloriam & honorem. Licet enim ad tempus propter nubis objectionem solidis radius non illuxerit , ex quo tamen nubes evanuit , splendor ipsius gratius elucesceret ; & vos , qui non curvastis genua vestra coram Baal , postquam nefanda memoriae Marqualdus interiit , qua vestra circa nos voluntatis impediebat effectum , ea tam vigili studio quām studioq; vigilancia studebitis operari qua ad apostolicā sedis honorem & regiæ personæ salutem totiusque regni commodum magnificè redundabunt &c. Datum Velletri **viii**. Kal. Octobris.

Epiſt. 96.
Quod epileptici non posse sunt esse Episcopi.
Vide infra lib. 13. epif. 28. & lib. 14. epif. 32.
Vide etiam Gratiian. 7. q. 2.

C A P I T U L O A V X I T A N O.
Vacante Ecclesia Auxitana , Canonici Episcopum Lectorensem , qui morbo co-mitiali laborare ferebatur , sibi postularunt Archiepiscopum dari. Qua occasione hæc ad eos inter alia scripsit Innocentius. Nos igitur sanctorum patrum nolentes institutionibus obviare , qui morbo epileptico labo-

rantes à Missarum solemnibus arcendos esse decernunt , & præsertim bona memoriae Gelasii Papæ prædecessoris nostri , qui edit in simili casu canonicum institutum , quod est ultimum septimæ cause capitulo in corpore decretorum , jamdictis Xantonensi Episcopo & Notario & dilecto filio Abbatи de Corona nostris damus litteris in mandatis ut veritate diligentius inquisita , quæ secundum institutionem ejusdem Gelasii Papæ viderint facienda , Deum habentes præ oculis , faciant auctoritate nostra suffulti appellatione remota. Si verò propter præmissam occasionem postulatio jamdicti Lectorensis Episcopi juxta institutionem canonicanam non fuerit admittenda , ea penitus non obstante vobis eligendi Pontificem auctoritate nostra tribuant facultatem.

PENNENSI EPISCOPO.

Tacti sumus dolore cordis intrinsecus & gravi mero turbari quod tu , sicut acceperimus , in injuriam ordinis tui & infamiam ordinationis nostræ agis in pluribus ut apostata , qui , teste scriptura , vir inutilis appellatur. Si enim diligenter attenderes quod te de monacho non simpli-
Epiſt....
Eum reprehendit de excessibus.
ci sed Abbate duximus in Episcopum afflu-
mendum , reprobatis successivè duobus
quos dilecti filii Pennense capitulum nobis
Vide supra lib. 1. epif. 185. & collect. Rainay tit. 4.
præsentarunt electis , eam deberes servare
tam in vita quam moribus honestatem que
ad salutem tibi proficeret & subditis ad
exemplum. Verum , de quo miramur non
modicum & movemur , propriæ conditio-
nis oblitus , quod post acceptum episco-
patum quædam illicita liceas & expedi-
tas quæ fratrum Cisterciensium observantia
reputat inhonesta , picturata sella & chiro-
thecis uteris sericatis , amplio te galero cor-
onas , & carnibus publicè usque ad sati-
ritatem te reples , ei forsitan per insignia
hujusmodi comparandus de quo data ei
tunica pellicia scriptum esse legitur : Ecce
Adam factus est sicut unus ex nobis , sciens bonum & malum. Præterea cùm quidam præ-
decessorum tuorum pro libertate Pennensis Ecclesiæ non dubitarint etiam exilium sustinere , Pennensis civitatis dominium se-
cundum justitiam potenter & viriliter de-
fidentes , tu , sicut dicitur , de civitate ipsa nobili viro B. Laureti & Cuperfani Comiti fidelitatem & hominum præfisti ; & quasi non sufficiat iniquitas tua
tibi , ea nobis niteris imputare ad excusandas excusationes in peccatis , allegans quod super hoc mandatum apostolicum rece-
pissest , tam in his quam in aliis tantum ex-